

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst ("Službene novine Zeničko-dobojskog kantona", broj: 7/10), na prijedlog Ministarstva za poljoprivredu, šumarstvo i vodoprivredu, Vlada Zeničko – dobojskog kantona na 143. sjednici, održanoj dana 14.05.2018. godine, d o n o s i

ZAKLJUČAK

I.

Daje se saglasnost Ministarstvu za poljoprivredu, šumarstvo i vodoprivredu da može prenijeti poslove provođenja postupka javne nabavke za realizaciju projekta „Izgradnja kanalizacije Jelah-Polje“, za izvođenje radova i vršenje stručno-tehničkog nadzora, koji je planiran u Programu utroška sredstava vodnih naknada za 2018. godinu.

II.

Općina Tešanj se obavezuje da u komisiju za javne nabavke imenuje predstvanika Ministarstva za poljoprivredu, šumarstvo i vodoprivredu.

Nakon pravosnažnosti odluke o izboru najpovoljnijeg ponuđača, Općina će zaključiti ugovor o izvođenju radova i ugovor o vršenju stručno-tehničkog nadzora, na osnovu kojeg će Općina i Ministarstvo zaključiti ugovor o prenosu sredstava.

III.

Za praćenje realizacije ovog Zaključka zadužuje se Ministarstvo za poljoprivredu, šumarstvo i vodoprivredu i Ministarstvo finansija, svako u okviru svojih nadležnosti.

IV.

Zaključak stupa na snagu danom donošenja.

Broj: 02-_____/18.
Datum, 14.05.2018. godine
Z e n i c a

PREMIJER

Miralem Galijašević

DOSTAVLJENO:

1x Ministarstvo za poljoprivredu, šumarstvo i vodoprivredu,
1x Ministarstvo finansija,
1x a/a.

Na osnovu Zaključka Vlade Zeničko-dobojskog kantona broj: 02-14-5348/18 od 26.03.2018. godine o usvajanju Programa utroška sredstava vodnih naknada za 2018. godinu, zaključen je:

SPORAZUM

o zajedničkom učešću u realizaciji projekata iz „Programa utroška sredstava vodnih naknada za 2018. godinu – Finansiranje izgradnje ili rekonstrukcije vodnih objekata od općinskog značaja (zaštitni vodni objekti, vodni objekti za vodosnabdijevanje i vodni objekti za zaštitu voda od zagađenja), uključujući izradu projektne dokumentacije“

Sporazum o zajedničkom učešću u realizaciji projekata iz Programa utroška sredstava vodnih naknada za 2018. godinu – „Finansiranje izgradnje ili rekonstrukcije vodnih objekata od općinskog značaja (zaštitni vodni objekti, vodni objekti za vodosnabdijevanje i vodni objekti za zaštitu voda od zagađenja), uključujući izradu projektne dokumentacije“ (u daljem tekstu: Program) na području općine Tešanj, zaključen je između:

1. Ministarstva za poljoprivredu, šumarstvo i vodoprivredu (u daljem tekstu: Ministarstvo), koje zastupa Ministar Himzo Smajić
2. Općine Tešanj (u daljem tekstu: Općina), koju zastupa Načelnik Suad Huskić

Sa ciljem realizacije Programa potpisnici Sporazuma su preuzeli slijedeće obaveze:

- Nosilac aktivnosti na pribavljanju tehničke dokumentacije i potrebnih saglasnosti, odobrenja za izgradnju i predmjera radova za planirane projekte je Općina. Uslov za provođenje javne nabavke za radove je izdato odobrenje za građenje.
- Općina se obavezuje da za projekte, čije se izvođenje planira realizovati fazno, predmjer radova sačini tako da isti predstavlja jednu funkcionalnu cjelinu, shodno raspoloživim sredstvima. Općina snosi punu odgovornost za tačnost i urednost predmjera radova, koji će biti predmet javne nabavke.
- Nosilac aktivnosti na pripremi i provođenju postupka javne nabavke je Ministarstvo.
- Ukoliko je Programom planiran nastavak naredne faze radova određenog projekta, dodatni uslov za pokretanje aktivnosti na realizaciji je završenost prethodne faze, odnosno okončana realizacija zaključenog ugovora iz ranijeg perioda.
- Ministarstvo je nosilac aktivnosti izbora izvođača radova, izbora izvršioca za vršenje stručno-tehničkog nadzora nad izvođenjem radova, odnosno izbora izvršioca za izradu projektne dokumentacije, u skladu sa Zakonom o javnim nabavkama BiH i Zakonom o prostornom uređenju i građenju („Službene novine Zeničko-dobojskog kantona“, broj: 1/14). Ministarstvo se obavezuje da u komisiju za nabavke imenuje koordinatora određenog od strane Općine.
- Ugovor o izvođenju radova u skladu sa projektnom dokumentacijom i predračunom radova, odnosno ponudom, zaključuje Ministarstvo sa odabranim izvođačem radova, u skladu sa pravosnažnom Odlukom o izboru najpovoljnijeg ponuđača, a primjerak ugovora dostavlja Općini na znanje, u roku od 8 (osam) dana od zaključenja.
- Ugovor o vršenju stručno-tehničkog nadzora zaključuje Ministarstvo, a kopiju Ugovora o vršenju stručno-tehničkog nadzora, Ministarstvo dostavlja Općini, u roku od 8 (osam) dana od zaključenja.
- Ugovor o izradi projektne dokumentacije zaključuju Ministarstvo i Općina, sa odabranim projektantom, s tim da se Općina obavezuje da nakon izrade projektne dokumentacije organizira reviziju iste u skladu sa odredbama Zakona o prostornom uređenju i građenju („Službene novine Zeničko-dobojskog kantona“, broj: 1/14).
- Ministarstvo se obavezuje da nakon završetka ugovorenih radova, kompletnu gradilišnu dokumentaciju dostavi Općini na čuvanje i dalju upotrebu.
- Ministarstvo može vršiti preraspodjelu planiranih sredstava između pojedinih projekata u okviru ukupno planiranih sredstava za Općinu.

- Općina se obavezuje da će odrediti koordinatora za provođenje aktivnosti koje su predmet ovog Sporazuma i o tome dostaviti pisani akt Ministarstvu, u roku od 15 dana od potpisivanja ovog Sporazuma.

Sastavni dio ovog Sporazuma je izvod iz Programa za općinu Tešanj.

Ovaj Sporazum stupa na snagu danom potpisivanja.

Ovaj Sporazum je sačinjen u 2 (dva) istovjetna primjerka od kojih svaka strana zadržava po 1(jedan) primjerak.

MINISTAR

Himzo Smajić
Broj: 05-25-4937-1-6/18
Datum: 06.04.2018. godine

NAČELNIK OPĆINE

Suad Huskić
Broj: _____
Datum: _____

„Program utroška sredstava vodnih naknada za 2018. godinu“

OPĆINA	R.b.	NAZIV PROJEKTA	Planirana vrijednost (KM)
TEŠANJ	1.	Izgradnja kanalizacije Jelah-Polje	545.000,00
	UKUPNO:		545.000,00

M.P.